

ხელშეკრულება №33
მომსახურების შესყიდვის შესახებ
(გამარტივებული შესყიდვა)

ქ. თბილისი

25 ივლისი 2017 წელი

ერთი მხრივ, შპს „აი სი არ ფუუდ ენდ ბევერეჯ“ წარმოდგენილი მისი დირექტორის გურამ მგელაძის სახით (შემდგომში წოდებული, როგორც „შემსრულებელი“) და მეორე მხრივ, სსიპ „საქართველოს დაზღვევის სახელმწიფო ზედამხედველობის სამსახური“, წარმოდგენილი მისი უფროსის კონსტანტინე სულამანიძის სახით (შემდგომში წოდებული, როგორც „დამკვეთი“), ურთიერთშეთანხმებისა და საქართველოს მოქმედი კანონმდებლობის „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ვ“ ქვეპუნქტის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-3 მუხლის მეორე პუნქტის „ვ“ ქვეპუნქტის საფუძველზე ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1. „დამკვეთის“ მოთხოვნის შესაბამისად „შემსრულებელი“ იღებს ვალდებულებას ქ.თბილისში რესტორან „ტაბლა“-ში (შემდგომში „ობიექტი“) განახორციელოს წინასწარ დაგეგმილი ღონისძიების უზრუნველყოფა (შემდგომში მომსახურება) **CPV 79900000**.

1.2. ამ ხელშეკრულების მიზნებისთვის ღონისძიებით უზრუნველყოფა გულისხმობს:

- ა) წინასწარ შეთანხმებული და დაგეგმილი ღონისძიებით და კორპორატიული წვეულებებით უზრუნველყოფას;
- ბ) დამკვეთის მიერ მითითებულ რაოდენობაზე და მითითებულ დროს მაგიდის დაჯავშნას;
- გ) პერსონალითა და შეკვეთილი კერძებით მომსახურებას;
- დ) წინასწარ შეთანხმებული შუადღის მენიუთი მომსახურებას.

1.3. მხარეები თანხმებიან, რომ მომსახურების ღირებულება და შესაძლო რაოდენობა, კერძების ჩამონათვალით წინასწარ უნდა იქნას შეთანხმებული შემსრულებელთან.

1.4. მომსახურების გაწევა განხორციელდება ეტაპობრივად 2017 წლის 22 დეკემბრის ჩათვლით.

მუხლი 2. ხელშეკრულების ღირებულება და ანგარიშსწორების წესი

2.1. გასაწევი მომსახურების საერთო ღირებულება შეადგენს 2000.00 (ორიათასი) ლარს საქართველოს კანონმდებლობით დადგენილი შესაბამისი გადასახადების გათვალისწინებით.

2.2. ხელშეკრულების პირველ მუხლში გათვალისწინებული მომსახურების ღირებულება განისაზღვრება ყოველი შეკვეთის შედეგად და აისახება მხარეთა მიერ შედგენილ ინვოისში. ამასთან ინვოისში მოცემული თანხა დაკორექტირდება მომსახურების დასრულებისას და დამატებით აისახება მხარეთა მიერ გაფორმებულ მიღება-ჩაბარების აქტში.

2.3. ყოველი კონკრეტული მომსახურების ანაზღაურება მოხდება მომსახურების დასრულების შემდეგ, მხარეთა შორის შესაბამისი მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

მუხლი 3. მხარეთა უფლება-მოვალეობები

3.1. შემსრულებელი ვალდებულია მომსახურების შესრულება უზრუნველყოს სათანადო ხარისხით, პროფესიულად.

3.2. შემსრულებელი უფლებამოსილია თავისი კომერციული მიზნებისთვის გამოიყენოს დამკვეთის მიერ განხორციელებული მომსახურებისა და კონკრეტული ღონისძიების რეკლამირება.

3.3. დამკვეთი ვალდებულია დროულად უზრუნველყოს მომსახურებით გათვალისწინებული და ხელშეკრულების მე-2 მუხლში მითითებული პირობების დაცვით ინვოისითა და მიღება-ჩაბარების აქტით განსაზღვრული თანხის გადახდა.

3.4. დამკვეთი ვალდებულია დაგეგმილი ღონისძიების გაუქმების თაობაზე (ღონისძიება, რომელიც ითვალისწინებს ობიექტის დახურვას) წინასწარ 2 დღით ადრე აცნობოს შემსრულებელს.

მუხლი 4. მხარეთა პასუხისმგებლობა

4.1. ხელმომწერი მხარეები ვალდებულნი და პასუხისმგებელნი არიან ხელშეკრულების ყველა პირობის შესრულებაზე.

4.2. ნებისმიერი მხარის მიერ ამ ხელშეკრულებით ნაკისრი ვალდებულების არაჯეროვანი ან ვადების დარღვევით შესრულების შემთხვევაში მხარეს, რომელმაც განიცადა ზარალი ან საფუძვლიანად ადასტურებს ასეთი ზარალის დადგომის შესაძლებლობას მეორე მხარის არაჯეროვანი ან ვადების დარღვევით შესრულების გამო, უფლება აქვს წაუყენოს დასაბუთებული პრეტენზია დამრღვევ მხარეს, ხოლო ეს უკანასკნელი თავის მხრივ ვალდებულია სრული ოდენობით აუნაზღაუროს დაზარალებულ მხარეს მიყენებული ზარალი.

4.3. გაწეული მომსახურების ღირებულების გადახდის ვადის გადაცილების შემთხვევაში "შემსრულებელი" უფლებამოსილია მოსთხოვოს დამკვეთს პირგასამტეხლოს გადახდა ყოველ გადაგადაცილებულ დღეზე გადასახდელი თანხის 0.1%-ის ოდენობით.

მუხლი 5. სახელშეკრულებო პირობების შეცვლა, შეწყვეტა ან ვადამდე მოშლა

5.1. წინამდებარე ხელშეკრულებაში თუ წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია და წარუდგინოს ცვლილებების შეტანის აუცილებლობის დამადასტურებელი დოკუმენტები.

5.2. ხელშეკრულებაში ცვლილებების და დამატებების შეტანა შესაძლებელია მხოლოდ მხარეთა შეთანხმებით. ამასთან, ცვლილება ან დამატება შესრულებული უნდა იყოს წერილობით და სათანადოდ ხელმოწერილი მხარეთა მიერ;

5.3. მხარეებს უფლება აქვთ ცალმხრივად მოშალონ წინამდებარე ხელშეკრულება მეორე მხარესთვის 14 (თოთხმეტი) სამუშაო დღით ადრე გაგზავნილი წერილობითი შეტყობინების საფუძველზე. მხარეთა მიერ ხელშეკრულების მოშლის სხვა საფუძველები რეგულირდება საქართველოს კანონმდებლობით დადგენილი წესით.

მუხლი 6. ფორს მაჟორი

6.1 მხარეები თავისუფლდებიან პასუხისმგებლობისგან ამ ხელშეკრულების პირობების შეუსრულებლობის გამო, თუ მათი შეუსრულებლობა გამოწვეულია დაუძლეველი ძალით, მათ შორის მიწისძვრით, წყალდიდობით, ხანძრით, ეპიდემიით და სხვა.

6.2 დაუძლეველ ძალად ითვლება საგანგებო გარემოება, რომელიც შეიქმნა მხარეთა ნების გარეშე და რომლის მოქმედებასაც მათ არ შეუძლია წინააღმდეგობა გაუწიონ. იმ პირობების გათვალისწინებით, რომ შექმნილ სიტუაციაში მათ მიიღეს და გაატარეს ყველა ღონისძიება, რისი გათვალისწინებაც შესაძლებელი იყო.

მუხლი 7. დავათა განხილვა

7.1. ხელშეკრულების მოქმედების პერიოდში წამოჭრილი ყველა დავა და უთანხმოება გადაწყდება მხარეთა შორის მოლაპარაკების გზით. თუ მხარეები ვერ მიაღწევენ შეთანხმებას, საქმე განსახილველად გადაეცემა ქ. თბილისის სასამართლოს.

მუხლი 8. კონფიდენციალობა

8.1. წინამდებარე ხელშეკრულების ის პირობები, რომლებიც ეხება მხარეთა ბიზნესის სპეციფიკას და/ან შეადგენს მხარეთა კომერციულ საიდუმლოებას, ასევე ის ინფორმაცია, რომლის გაცემაც ლახავს მხარეთა ინტერესებს, მკაცრად კონფიდენციალურობა და მისი გამჟღავნება მხარეთა მიერ იწვევს მატერიალური ზიანის ანაზღაურების ვალდებულებას.

8.2. მხარეები აცხადებენ სრული პასუხისმგებლობით, რომ მათ გააჩნიათ სრული ქმედუნარიანობა და უფლებამოსილება დადონ ეს ხელშეკრულება და არანაირი საფუძველი არ არსებობს, რის გამოც მათ არ შეეძლებოდათ ან საექვო იქნებოდა მათ მიერ ამ ხელშეკრულების დადება.

8.3. ამ მუხლის მეორე პუნქტში მითითებული საფუძვლის არსებობისას ხელშეკრულების დაზარალებული მხარე უფლებამოსილია ნებისმიერ დროს ცალმხრივად გაწყვიტოს აღნიშნული ხელშეკრულება.

მუხლი 9. ხელშეკრულების სხვა პირობები

9.1 წინამდებარე ხელშეკრულება ძალაში შედის მისი პირველ გვერდზე მითითებული თარიღიდან და მოქმედებს 2017 წლის 31 დეკემბრის ჩათვლით.

9.2 წინამდებარე ხელშეკრულება შედგენილია 3 (სამი) გვერდზე, ქართულ ენაზე 2 (ორი) თანაბარი იურიდიული ძალის მქონე ეგზემპლარად, თითო- ყოველი მხარისთვის.

9.3 ყველაფერ დანარჩენში, რაც არ არის გათვალისწინებული ხელშეკრულებით, მხარეები ხელმძღვანელობენ საქართველოს მოქმედი კანონმდებლობით. კანონმდებლობაში მომხდარი ცვლილებების შედეგად ხელშეკრულების რომელიმე პუნქტის მოქმედების შეწყვეტის შემთხვევაში ხელშეკრულების დანარჩენი პუნქტები ძალაში რჩება;

მუხლი 10. მხარეთა რეკვიზიტები

„შემსრულებელი“

შპს „აი სი არ ფუუდ ენდ ბევერეჯ“

ს/კ: 405124510

იურიდიული მისამართი: ქ. თბილისი აღმაშენებლის გამზ. N173

სს „თიბისი ბანკი“ TBCBGE22, GE74TB7916136080100002

დირექტორი: გურამ მგელაძე

„დამკვეთი“

სსიპ „საქართველოს დაზღვევის სახელმწიფო ზედამხედველობის სამსახური“

ს/კ: 205305025

იურ. მისამართი: ქ. თბილისი, პ. ინგოროყვას ქ. №7

ფაქტ. მისამართი: ქ. თბილისი, ლ. მიქელაძის ქ. №3

სახელმწიფო ხაზინა



სამსახურის უფროსი: გონსტანტინე სულამანიძე